

आकाशवाणी

खबरां ---

1. चुनांस कमीशन नै आखेआ ऐ जे लोकसभा चुनाएं दे दुए गेढ़ लेई 13एं राज्यें ते केंद्र शासित इलाकें च 1 जहार 210 मेदवार मुकाले च खड़ोते दे न।
2. भारती जनता पार्टी दे सीनियर लीडर ते प्रधानमंत्री नरेंद्र मोदी होरें आखेआ ऐ जे किश बी हासल करना भारत लेई नामुमकिन नेई ऐ।
3. चुनांस कमीशन नै आजाद ते निर्पक्ख ंगगै कन्नै लोकसभा चुनांस कराने लेई गृह मंत्रालय गी पश्चिम बंगाल च 100 होर केंद्री हथियार बंद बलें सी.ए.पी.एफ दी कंपनियां तैनात करने दे निर्देश दिते न।
4. दिल्ली हाई कोर्ट नै दिल्ली दे मुखमंत्री हुंदी जमानत याचिका गी खारिज करी दित्ता ऐ।
5. भारत दे मौसम सरबंधी मैहकमे नै मध्य प्रदेश, छत्तीसगढ़, विदर्भ, महाराष्ट्र, पश्चिम बंगाल, झारखंड, ओडिशा, बिहार ते अंमान ते निकोबार टापू च शनिवारें तोड़ी हल्की कोला दरम्यानी बरखा होने दी पेशनगोई कीती ऐ।

<><><><><><>

EC-Second Phase

चुनांस कमीशन नै आखेआ ऐ जे लोकसभा चुनाएं दे दुए गेढ लेई 13एं राज्यें ते केंद्र शासित इलाकें च इक्क जहार 210 मेदवार मुकाबले च खड़ोते देन। 88 लोकसभा हल्कें लेई कुल दो जहार 633 मेदवारें अपने नामांकन भरचे दाखल कराए दे हे। नामांकन परचें दी जांच मगरा इक्क जहार 428 पर्चे वैद्य पाए गेन। कल मेदवारी सवां नां वापस लैने दी खीरी तरीक ही। इस गेढ तैहत इस म्हीने दी 26 तरीक गी वोट पाए जाने न। दुए गेढ च केरल च 20एं लोकसभा हल्कें लेई सब्बनें कोला मते 500 नामांकन पर्चे दाखल कराए गे न। एदे मगरा कर्नाटक च 14एं सीटें लेई 491 मेदवारें नामांकन पर्चे दाखल कराए। त्रिपुरा च 1 लोकसभा सीटा लेई सब्बनें कोला घट्ट 14 नामांकन पर्चे दाखल होए। महाराष्ट्र दी नांदेड़ सीट लेई सब्बनें कोला मते 92 नामांकन परचे दाखल कीते गे।

<><><><><><>

PM-Pilibheet

भारती जनता पार्टी दे सीनियर लीपर ते प्रधानमंत्री नरेंद्र मोदी होरें आखेआ ऐ जे भारत नै एह साबित करी ओड़ेया ऐ जे किश बी हासिल

करना नामुमकन नेई। अज्ज पिलीभीत उत्तर प्रदेश च इक चुनांस रैली
गी संबोधित करे होई मोदी होरें आखेआ जे लक्ष्य भामें जिन्ना मर्जी
मुश्कल की नेई होवे जे भारत नै ध्यायी लेया ऐ जे हासल करना गै
करना तां फही पक्क उन्न हासल करना गै। प्रधानमंत्री होरें आखेआ,
इस्सै प्रेरणा ते उर्जा कन्नै उंदी सरकार भारत गी इक विकसित मुख्य
बनाने लेई कम्म करा'रदी ऐ। मोदी नै आखेआ जे कांग्रेस सरकार
दुनिया दे बाकी देसैं थमां मदाद लेंदी ही, पर कोरोना महामारी दौरान
भारत नै दुनिया भरै दे मुखें गी दोआइयां ते टीके भेजे हे। उनें
आखेआ जे जिसलै देश सशक्त होना ऐ तां पूरी दुनिया उसदी अवाज
सुनदी ऐ। विपक्ष दी नुक्ताचीनी करदे होई मोदी होरें आखेआ जे इंपी
गठबंधन नै राम मंदरै दे निर्माणा विरोध कीता हा ते प्राण-प्रतिष्ठा दे
साद्दे गी बी नकारी ओड़ेया हा ते पार्टी दे जिनें सदस्यें प्राण प्रतिष्ठा
च शमूलियत कीती ही, उनेंगी पार्टी थमां निष्कासित करी दिता गेआ
हा। उत्तर प्रदेश दे 8एं संसदीय चुनांस हल्कें च लोकसभा चुनाएं दे
पैहले गेइ तैहत 19 अप्रैल गी वोट पोआए जाडन। एह चुनांस हल्के न-
सहारनपुर, कैराना, मुजफ्फरनगर, बिजनौर, नगीना, मोरादाबाद, रायपुर ते
पिलीभीत।

PM-North East

प्रधानमंत्री नरेंद्र मोदी होंरें आखेआ ऐ जे उत्तर पूर्व अज्ज नमें भारत दी सब्बनें कोला बड़्पी कामयाब कहानी दे तौर पर उभरेया ऐ। उनें आखेआ जे पिछले पंजे बरें च इस इलाके च विकास लेई कीता गेदा निवेश कांग्रेस सरकार आस्सेआ अलाट कीते गेदे पैहें दे मुकाबले च चार गुणा मता ऐ। इक्क अखबार गी दिते गेदे इंटरव्यूह च प्रधानमंत्री होंरें आखेआ जे पिछले इक्क दहाके च बुनियादी ञांचे च कीते गेदे विकास कन्ने उत्तर पूर्वी इलाके दा मुख्यै दे बाकी हिस्सें कन्ने संपर्क कायम होआ ऐ।

<><><><><><>

EC-CAPF

चुनांस आयोग नै गृह मंत्रालय गी पच्छिम बंगाल च निर्पक्ख ते आजादाना लोकसभा चुनांस करोआने ताई केंद्रीय सशस्त्र नीम फौजी बल सी.ए.पी.एफ दियां 100 होर कंपनियां तैनात करने ते निर्देश दिते न। सूत्रें दस्सेया जे गृह मंत्रालय नै चुनांस आयोग दे निर्देशों पर सी.आर.पी.एफ दियां 55 ते सीमा सुरक्षाबल दियां 45 कंपनियां अगगै गै तैनात कीती दियां न। सूत्रें दस्सेआ ऐ जे अधिकारिणं गी पच्छिम

बंगाल च इस म्हीने दी 15 तरीक तगर सी.ए.पी.एफ दियां बादू 100 कंपनियां तैनात करने दे निर्देश दिते गे न।

<><><><><><><>

Election-Special Story

इस्सलै जिस्सलै के तकनीक नै लोकें दे जीवन च इक अंह थाहर बनाई लैंदा ऐ, चुनांs आयोग धरतै दा सब्भनें शा बड़्ठा लोकतांत्रिक अभ्यास आयोजित करने लेई पूरी चाल्ली तैयार ऐ ते मतदाताएं दी सखाल आस्तै केई हीले बी कीते जा रदे न। चुनांs आयोग आस्सेआ “Know your Candidate” नां कन्नै शुरू कीती गेदी ऐप मतदाताएं गी एह् दस्सोग जे उंदे मेदवार दी पशोक्कड़ केह् ऐ-उनें कदें कन्नून दी बरखलाफी ते नेई कीती दी। एह् ऐप एंड्रायण ते आई-फोन दौनें पर उपलब्ध रौग ते इसी इस्तेमाल करना बड़ा सखल्ला ऐ। मतदाता गी छड़ा चुनांs दी किस्म ते अपने इलाके दा नां लिखना होग ते कुसै बी मेदवार दे बारे च सर्च राहें पता कीता जाई सकदा ऐ। इस ऐप गी चुनांs आयोग दी वेबसाइट परां, गुगल प्ले स्टोर जां एप्पल ऐप स्टोर थमां ँउनलो कीता जाई सकदा ऐ।

<><><><><><><>

Rally-PM

प्रधानमंत्री नरेंद्र मोदी ते उत्तर प्रदेश दे मुखमंत्री योगी आदित्यनाथ हुंदी उधमपुर ते कठुआ च रैली दे मददेनजर सब्बै लोड़चदे बंदोबस्त कीते जा रदे न। प्रधानमंत्री होर 12 अप्रैल गी उधमपुर ते 10 अप्रैल गी योगी आदित्यनाथ होर कठुआ च रैली करडन। उत्तर प्रदेश दे मुखमंत्री योगी आदित्यनाथ होर कठुआ दे खेड़ए मैदान च बीजेपी दे उधमपुर लोकसभा सीट लेई मेदवार षॉ. जितेंद्र सिंह हुंदे समर्थन च रैली करडन। रैली आली थाहर दा दौरा लाने मगरा बीजेपी दे प्रदेश प्रधान रविंद्र रैना होरें दावा कीता जे योगी आदित्यनाथ हुंदी 10 अप्रैल आली रैली च खरी मती गिनतरी च लोक शामिल होडन। उनें आखेआ जे कठुआ, सांबा, जम्मू, उधमपुर ते जम्मू दे लोक योगी हुंदी आवाज सुनने गी बलगा रदे न। उनें आखेआ जे 2 लक्ख थवां मते लोक 12 अप्रैल गी उधमपुर च प्रधानमंत्री हुंदी होने आली रैली च शामिल होडन।

<><><><><><>

Kejriwal

दिल्ली हाई कोर्ट नै कथित शराब नीति घोटाले दे सरबंधे च अज्ज दिल्ली दे मुखमंत्री अरविंद केजरीवाल हुंदी याचिका गी खारिज करी दिता ऐ। केजरीवाल होरें काले धनै गी जायज बनाने दे मामले च ई.पी आस्सेआ उनेंगी गिरफ्तार करने ते अदालत आस्सेआ उनेंगी ई.पी दी

हिरासत च भेजने खलाफ याचिका दायर कीती दी ही। न्यामूर्ति
स्वर्णकांता शर्मा होरें केजरीवाल हुंदी गिरफ्तारी गी वैध मन्नेआ।
अदालत नै आखेआ ऐ जे उंदी गिरफ्तारी मगरा ई.पी दी रिमां गी
अवैध नेई आखेआ जाई सकदा।



Assam

असम च मतदाताएं गी अपने पाससै खिचने लेइ स्टार प्रचारक राज्य
च पुज्जना शुरू होई गेन। भारती जनता पार्टी दे सीनियर लीपर
अमित शाह हुंदा नार्थ लखिमपुर च इक्क रैली च भाषण देने दा
प्रोग्राम हा। संझा उनें तिनसुखिया च रो शो करना ऐ। इस हल्के च
इस म्हीने दी 19 तरीक गी वोट पाए जाने न। असम दे मुखमंत्री
हेमंत बिस्वा सरमा, पार्टी दे सीनियर लीपर सर्वानंद सोनोवाल ते प्रदेश
अध्यक्ष भावेश कालिता होर चुनांस प्रचार करा करदे न। होर पार्टियां
बी अपने मेदवारें लेई मीटिंगां करा करदियां न। कांग्रेस दे प्रदेश
अध्यक्ष भूपेन बोरा, सांसद गौरव गोगोई ते प्रद्युत बोरदोलोई होर बी
लोकें दा समर्थन हासल करने दी कोशश करा करदे न। आम आदमी
पार्टी दी लीपर आतिशि होरें बी कल पार्टी दे मेदवारें दे हक्कै च रो

शो कीता। पैहले गेढ़ च राज्य दी पंजें सीटें लेई 35 मेदवार मुकाबले च खड़ोते दे न।

<><><><><><>

Migrant

जम्मू-कश्मीर सरकार नै कश्मीरी विस्थापित कर्मचारिं लेई जेड़े कश्मीर घाटी च तैनात न, लेई त्रै दिन दी खास कैजुअल लीव दी घोषणा कीती ऐ तां जे एह लोक जम्मू उधमपुर ते दिल्ली च बनाए गेदे खास मतदान केंद्रें पर जाइए वोट पाई सकन। आदेश मुजब कश्मीरी विस्थापित कर्मचारी जेड़े अनंतनाग, राजौरी पार्लिमानी हल्के कन्नै सरबंध रक्खदे न, ओह 6 थवां 8 मई बश्कार कैजुअल लीव लेई सकदे न। इस संदीय हल्के लेई 7 मई गी वोट पाए जाने न। इससै चाल्ली श्रीनगर लोकसभा हल्के लेई 13 मई गी मतदान होना ऐ ते कर्मचारी 12 थवां 14 मई बश्कार अपनी छुट्टी लेई सकदे न। बारामुला लोकसभा हल्के लेई एह कर्मचारी 19 थवां 21 मई बश्कार अपनी विशेष कैजुअल लीव लेई सकदे न। इस हल्के लेई 20 मई गी मतदान होना ऐ।

<><><><><><>

President

राश्ट्रपति द्रौपदी मुर्मू, उपराश्ट्रपति जगदीप धनखड़ ते प्रधानमंत्री नरेंद्र मोदी होंरें चैत्र नरातें, उगादि, गुडी पड़वा, चेती चांद, नवरेह ते साजिबु थेरोबा दे मौके पर लोकें गी शुभकामनां दितियां न। अपने संदेश च राश्ट्रपति मुर्मू होंरें आखेआ जे एह त्यौहार बसंत रूत ते भारती नमें बरे दा सुआगत करने दा मौका न। उपराश्ट्रपति होंरें अपने संदेश च आखेआ जे बक्ख-बक्ख नाएं कन्नै मनाए जाने आहले त्यौहारें दा मूल इक्के जनेहा ऐ। एह त्यौहार पारंपरिक नमें बरे दी शुरूआत दा प्रतीक न। प्रधानमंत्री नरेंद्र मोदी होंरें नव संवत्सर दे मौके पर मुख्यै दे लोकें गी ममारखां दितियां। मोदी होंरें आखेआ जे उंदी कामना ऐ जे नमा बरा हर कुसै लेई सुख समृद्धि ते तंदरूस्ती लेइयै आवै। प्रधानमंत्री होंरें नरातें दी शुभकामनां दिंदे होई मेद प्रकट कीती जे शक्ति दी उपासना दा एह महापर्व हर कुसै लेई सुख-शांति, समृद्धि, खरे भाग ते खरी सेहत लेइयै आ।

<><><><><><>

IMD-Weather

भारत दे मौसम सरबंधी मैहकमे नै मध्य प्रदेश, छत्तीसगढ़, विदर्भ, महाराश्ट्र, पच्छिम बंगाल, झारखंड, ओडिशा, बिहार ते अंमान ते निकोबार टापुएं च शनिवार तोड़ी हल्की सवां दरम्यानी बरखा होने,

गरजियै फंां पौने, बिजली चमकने ते हवां चलने दी पेशनगोई कीती
ऐ। मैहकमे नै अगले सतें दिनें तोड़ी तेलंगाना, केरल च बरखा,
बिजली चमकने ते तेज हवा चलने दा अनुमान लाया ऐ। मध्य प्रदेश
ते विदर्भ च कल्ल ऐन गड़े पेई सकदे न।

<><><><><><>